

Gundê

Tozê



Mesud Xelef

Ji şovekî sor.... Sor
Ava lehiya salan diherikî
Gundiyan kirasê xwe diqetandin
Kevokên çengokirî, baskokirî.
Xweziyên xwe bi sala pêrar tanîn
Hîna tu jî ji dayik nebûye
Di sala bûna te de...
Pezê gundiyan virinî zan
Ji gotina...
Ji hêviya..
Ji hezkirinê... ji axê em biyanî
bûn
Li ber dîwaran..
Pîrên me dam dikirin
Û bayê payizê pifî hişê wan dikir
Bêhemda xwe dikenîn
Bêhemda xwe digirîn
Û tenê li ber cadan ... nava
kolanan
Silavên reşikên piç dijmartin
"Selam û aleykum.... Aleykum el
selam"
Kesî nedigot çima darê tiwa bi
tenê ne
Kesî nedigot çima darê hinara
beravêtîne
Axayên me jî
Di dawa reşikên çolan de
Zarokên xwe sinet dikirin
Xûlamên wan jî
Li ber deriya
Pêlav û şekalê sixûran rêz dikirin
Duh ji me bûn
Îro ji wan

Û sibe qedeha şerab û meya xwe
li serê şehîdên me dixin
Axayên me bejin bilind bûn
Wekî çiyayê Qasiyon bûn
Û cîranê wan em bûn...
Çiyayê Cudî û Bêxêr bûn
Di dawetên me de hespên boz
bûn
Di şênîyên miriyên me de şêx
doz bûn
Û axa me, erdê me
Di yek kêliyê de
Kirin zindana hestiyên me yên ji
ber kenê wan rizyayî
Gundekî malwêran bû gundê
me
Mirovan seg bi dest
dixeniqandin
Û li hawîrdor ava sabûnê ew
zindan dikir
Xewn tê de bê armanc bûn
Êvaran asîman dibû şerîteke
dirêj
Xem bi êvarî re ji bîr dikirin
Bi hilatina rojê re gavên xwe
dûbare dikirin
Di nava xwe de li şopa xwe
digeriyan
Aso firek av bû di kolanan teng
de
Sibihên wan jî serjêkirî bûn
Lewma bi hêviya
sererastkirineke dîrokî bûn
Û her dimeşîn û dimeşîn